

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Okrugli stol sa delegatima Doma naroda PFBiH	1
Parlament FBiH prihvatio izmjene Zakona o pripadnosti javnih prihoda	1
Vlada FBiH pokreće certificiranje općina i gradova za poboljšanje privrednog ambijenta	2
Održan sastanak načelnika sarajevskih općina	2
Održan pripremni sastanak u svezi izrade strateškog dokumenta za IPA II za BiH	3
Miro Kraljević-Široki Brijeg taslužuje status grada	3
Općina Neum proračunski višak uložiti će u nove razvojne projekte	4
Ljubuški u saradnji sa hrvatskim općinama priprema izgradnju poslovne zone	5
B.Petrovac i Čajniče u IPA projektu Alterenergy	5
Cazin prvi u BiH dobija biljni prečišćivač otpada	6
Počnje istraživanje i eksploatacija željezne rude u G.Vakufu-Uskoplju	6
UNDP i SDC pomažu izgradnju poduzetničke zone 'Dusine' u Orašju	6
Općina Cazin uvela digitalni katastar	7

Bilten Saveza općina i gradova Federacije Bosne i Hercegovine

OKRUGLI STOL SA DELEGATIMA DOMA NARODA PARLAMENTA FBiH

Savez općina i gradova Federacije BiH, u sklopu implementacije Projekta "Razvoj kapaciteta općinskih saveza u Bosni i Hercegovini", organizira Okrugli stol za delegate Parlamenta FBiH.

Ovakav skup održan je u decembru/prosincu mjesecu 2011. godine sa poslanicima /zastupnicima Predstavničkog/Zastupničkog doma Parlamenta FBiH.

Okrugli stol se održava u cilju predstavljanja zakonske pozicije Saveza općina i gradova Federacije Bosne i Hercegovine, te trenutno aktuelnih aktivnosti Saveza, a u okviru rada Parlamenta Federacije Bosne i Hercegovine. Nakon kratke prezentacije biće otvorena diskusija o temama od izuzetne važnosti za lokalnu samoupravu.

Na Okrugli stol su pozvani i predstavnici Vlade Federacije BiH s kojom Savez ima potpisan Kodeks o međupravnom odnosima i Sporazum o saradnji.

Okrugli stol će se održati 19. septembra/rujna 2013. godine u Hotelu „Evropa“ u 11:00 sati.



ZASTUPNIČKI DOM PARLAMENTA FEDERACIJE BIH PRIHVATIO IZMJENE ZAKONA O PRIPADNOSTI JAVNIH PRIHODA



SARAJEVO, 24. juli/ srpanj – Zastupnički dom Parlamenta Federacije BiH prihvatio je danas, na svojoj 21. redovnoj sjednici Nacrt zakona o izmjenama i dopunama Zakona o pripadnosti javnih prihoda u Federaciji BiH. Nacrt će biti upućen u javnu raspravu u trajanju od 60 dana. Ovim zakonskim rješenjem se nastoji uvesti izjednačavanje, odnosno smanjivanje razlika u prihodima po stanovniku pojedinačno po kantonima i općinama, na horizontalnom nivou za općine i kantone, prateći glavne principe iz Evropske povelje o lokalnoj samoupravi.

Također, izvršeno je povećanje udjela općina u raspodjeli prihoda od poreza na dohodak za 6,54 posto, odnosno na 41 posto, čime se nastoje otkloniti negativne posljedice reforme direktnih poreza za općine.

U višesatnoj raspravi istaknuta su različita mišljenja zastupnika o ponuđenom nacrtu zakona. Zastupnici SDA su iznijeli mišljenje da treba uraditi detaljnu analizu, te nakon nje ponuditi potpuno novo zakonsko rješenje, dok je dio zastupnika HDZ BiH, SDP, SBB, iznio stav da radi poboljšanja stanja u pojedinim kantonima, poput Posavskog i Bosansko-podrinjskog kantona, treba usvojiti predložene izmjene i dopune kojima se pomaže opstojnosti tih kantona.

Podsjećamo da je Savez općina i gradova FBiH aktivno učestvovao u izradi Nacrta zakona, te da je u Radnoj grupi imao dva predstavnika i to g-dina Hakiju Osmića (Općina Zavidovići) i g-dina Emira Dedovića (Općina Novi Grad Sarajevo).

Za Nacrt zakona je glasalo 63 poslanika, dok su 4 bila suzdržana.

Dom naroda Parlamenta Federacije Bosne i Hercegovine, na 17. sjednici koja je održana 12.9.2013. godine, razmatrao izmjene ovog zakona, međutim usljed prekida sjednice, nije došlo do izjašnjenja po ovome zakonu.

Predstavnici turske općine Meram posjetili Hadžiće	7
NAJAVA održavanja niza radionica o upravljanju odnosima sa javnošću u JLS	7
NEXPO 2013-Međunarodni sajam općina	8
ON LINE kurs iz oblasti općinskih finansija	8
LAF Study Tour on Good governance at the local level	9

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

VLADA FBIH POKREĆE CERTIFICIRANJE OPĆINA I GRADOVA ZA POBOLJŠANJE PRIVREDNOG AMBIJENTA



SARAJEVO, 26. avgust/kolovoz – Federalna vlada prihvatila je na današnjoj sjednici u Sarajevu Informaciju o pokretanju procesa certificiranja u općinama i gradovima na području FBIH sa osnovnom svrhom uvođenja povoljnog poslovnog okruženja i poboljšanja privrednog ambijenta.

Certificiranje je ispunjenje standarda, tj. određena garancija da će poduzetnici, kao i potencijalni investitori, dobiti usluge i informacije koje olakšavaju poslove iz nadležnosti lokalnih uprava.

Posjedovanje ovog sertifikata će značiti da je lokalna uprava dokazala da su procesi i usluge koje primjenjuje u svom radu u skladu s postavljenim kriterijima, te da privatni subjekti mogu očekivati i određenu pomoć i partnerski odnos grada i općine kada su u pitanju poslovi i procedure iz nadležnosti institucija koje djeluju na državnoj razini.

Za oporavak, rast i razvoj gospodarstva BiH i Federacije BiH su neophodne strane investicije. Certificiranje općina i gradova s povoljnim poslovnim okruženjem u jugoistočnoj Evropi ili Business Friendly Certification South East Europe (BFC SEE) je program za unaprijeđenje gospodarskog ambijenta u lokalnim upravama, odnosno za izgradnju i jačanje kapaciteta općina i gradova kako bi se bavili gospodarskim razvojem i unaprijedili svoje poslovno okruženje.

Namjera kreatora ovog programa certifikacije je da proces i čin dodjele sertifikata predstavlja poticaj lokalnim upravama, a da njegovi kriteriji budu podsjetnik šta sve lokalna jedinica treba razvijati kao vlastiti kapacitet, te koji operativni segmenti gradske i općinske organizacije trebaju biti funkcionalni. Ovaj proces trebao bi povećati konkurentnost gradova i općina unutar i izvan granica zemlje.

Vlada je zadužila Federalno ministarstvo razvoja, poduzetništva i obrta da, zajedno s članovima Mreže za povoljno poslovno okruženje u Federaciji BiH, nastavi raditi na ovom procesu.

ODRŽAN SASTANAK NAČELNIKA SARAJEVSKIH OPĆINA

SARAJEVO, 12. avgust/kolovoz – U Općini Stari Grad Sarajevo danas je održan sastanak načelnika sarajevskih općina, u okviru redovne saradnje gradskih općina. Domaćin sastanka bio je načelnik Općine Stari Grad Ibrahim Hadžibajrić, a pridružili su mu se načelnik Općine Novo Sarajevo - Nedžad Koldžo i načelnik Općine Novi Grad Sarajevo - Semir Efendić, dok su načelnik Općine Centar Sarajevo - Dževad Bećirević i gradonačelnik Sarajeva - Ivo Komšić opravdali svoje odsustvo.



Prema riječima načelnika Hadžibajrića, razgovarali su o aktuelnim temama, s posebnim osvrtom na probleme u vodosnabdijevanju i odluku Vlade Kantona Sarajevo o poskupljenju vode.

Načelnici su saglasni u mišljenju da najavljeno poskupljenje cijena vode nije u skladu sa finansijskim mogućnostima građana Sarajeva, te da su porodice sa više članova oštećene i plaćat će znatno veće račune.

"Ovo poskupljenje je nesrazmjerno računici koja je predstavljena u javnosti, a naročito će biti pogođene višedlane porodice u individualnoj gradnji, odnosno u porodičnim kućama. Kako je ta vrsta gradnje specifična za rubna područja, u Starom Gradu imamo oko 85 posto te vrste gradnje, bojim se da će naši građani posebno biti na udaru", upozorio je Hadžibajrić i dodao da u ovakvim slučajevima računi za vodu neće biti uvećani za 20 posto, kako je najavljeno, nego za 41,6 posto.

Načelnici Hadžibajrić, Koldžo i Efendić potvrdili su još jednom da će istrajati u insistiranju na donošenju novog Zakona o dobrobiti životinja kako bi se konačno riješio problem pasa lualica.

ODRŽAN PRIPREMNI SASTANAK U SVEZI IZRADI STRATEŠKOG DOKUMENTA ZA IPA II ZA BiH



U organizaciji Direkcije za Europske integracije 27. rujna je u zgradi Parlamentarne skupštine BiH održan pripremni sastanak za sektor „Integrirani lokalni razvoj“ u okviru formalnih konzultacija na izradi Strateškog dokumenta za IPA II za BiH 2014.-2020. godine. Poziv na sastanak dobilo je 5 općina u BiH, među kojima i Općina Čitluk, a sastanku je nazočio općinski načelnik Ivo Jerkić.

Bosna i Hercegovina je kao potencijalni kandidat za članstvo u EU trenutno u fazi izrade Strateškog dokumenta za korištenje predpristupne pomoći Europske unije (tzv. IPA II) za proračunsko razdoblje 2014.-

2020.

Ovaj dokument definira ključne sektore i prioritete za pružanje financijske podrške Bosni i Hercegovini u procesu pripreme za članstvo i pristupanje Europskoj uniji u razdoblju 2014.-2020., a jedan od ključnih sektora koji će u sljedećem razdoblju biti podržan je sektor „Integrirani lokalni razvoj“.

Cilj je da se kroz ovaj sektor podrži stvaranje novih radnih mjesta i zapošljavanje na lokalnoj razini kroz pružanje podrške u razvoju lokalnih inicijativa u različitim oblastima, kao što su npr. poljoprivreda, turizam, razvoj MSP, inovacije, izvoz, i sl.

Održavanje formalnih konzultacija između Europske komisije i bh. strane vezano za dovršetak ovog dokumenta za sve sektore je indikativno, a na konzultacijama se predstavljaju interesi, potrebe i specifični komentari vezani za tekst Strateškog dokumenta od strane sudionika iz BiH sa svih razina vlasti.

Nositelji aktivnosti u suradnji s Direkcijom za Europske integracije su Savez općina i gradova Federacije BiH i Savez općina i gradova Republike Srpske. (<http://www.citluk.ba>)



MIRO KRALJEVIĆ - ŠIROKI BRIJEG ZASLUŽUJE STATUS GRADA

02. avgust/kolovoz – (Izvor: Dnevni list) Na posljednjoj sjednici Općinskog vijeća Široki Brijeg jednoglasno je donesena odluka o pokretanju postupka proglašenja općine Široki Brijeg gradom. Što bi to značilo za Široki Brijeg, što će se sve promijeniti te kada bismo ovu općinu mogli nazivati gradom, pitali smo načelnika Miru Kraljevića.

Nakon što je donesena odluka na OV-u, što će dalje slijediti?

Ova odluka predstavlja prvi korak u postupku donošenja zakona kojim će biti regulirani svi detalji oko uspostave grada Širokog Brijega. Potrebno je da sve općine sjedišta županija donesu ovakvu odluku da bi Prijedlog zakona o gradovima krenuo u proceduru. Koliko imam informacija, već je nekoliko općina donijelo ovakvu odluku.

Što će se time promijeniti u Širokom Brijegu?

Nekih velikih suštinskih promjena neće biti, izuzev da će ja kao načelnik postati gradonačelnik, vijećnici će postati gradski vijećnici, a Općinsko vijeće će postati Gradsko vijeće. Mislim da je bitno napomenuti da nećemo povećavati broj zaposlenika u općinskoj, odnosno gradskoj upravi.


Vi biste umjesto načelnika postali gradonačelnik. Hoće li Vam nova funkcija donijeti neke nove ovlasti i, ako hoće, koje?

Nova funkcija neće donijeti neke bitne nove ovlasti, ali svakako mi čini zadovoljstvo da u mom mandatu Široki Brijeg postane gradom jer to će ipak ostati zabilježeno u povijesti našeg mjesta.



Miro Kraljević, načelnik Općine
Široki Brijeg

“Kako sada stvari stoje, nekakvih izravnih financijskih pomaka neće biti, ali se nadam da će status grada dodatno privući potencijalne investitore, gospodarstvenike, kulturno-sportske radnike i turiste koji su dolazili i koji će i ubuduće u još većem broju dolaziti u naš grad. Isto tako, nadam se da će status grada doći do izražaja pri apliciranju za fondove EU-a”.



Široki Brijeg

Moram dodati da Široki Brijeg po svojoj najprije povijesnoj, a potom kulturnoj, sportskoj i gospodarskoj razvijenosti zaslužuje status grada. Široki Brijeg je administrativno, gospodarsko, kulturno, sportsko, obrazovno i vjersko središte i sjedište Zapadnohercegovačke županije i u gospodarskom pogledu jedna od razvijenijih općina u Hercegovini.

Hoće li to donijeti nekakve pomake što se tiče financijskog aspekta?

Kako sada stvari stoje, nekakvih izravnih financijskih pomaka neće biti, ali se nadam da će status grada dodatno privući potencijalne investitore, gospodarstvenike, kulturno-sportske radnike i turiste koji su dolazili i koji će i ubuduće u još većem broju dolaziti u naš grad. Isto tako, nadam se da će status grada doći do izražaja pri apliciranju za fondove EU-a.

Kada bismo mogli Široki Brijeg nazivati gradom?

Ne znam točan datum kada će se Široki Brijeg i službeno zvati gradom, ali se nadam da bi zakon o gradovima u Federaciji BiH mogao već najesen ići u parlamentarnu proceduru.

OPĆINA NEUM PRORAČUNSKI VIŠAK ULOŽIT ĆE U NOVE RAZVOJNE PROJEKTE

02. septembar/rujan – (Večernji List) I dok cijeli entitet skoro grca u dugovima, a većina sredina u Hercegovini muku muči kako održati stavke općinskog proračuna i pri tome što manje zapadati u proračunski deficit, na samom jugu Bosne i Hercegovine, u općini Neum, bilježi se neka posve drugačija priča. I sam podatak da je Općina Neum prvu polovicu ove godine završila sa suficitom od 1,5 milijuna KM za posebnu je analizu te je sve to i jedan hvale vrijedan primjer u ovoj sveopćoj gospodarskog i svakoj drugoj krizi u BiH.



Porast broja gostiju i noćenja

Stoga u Općini Neum u zadnja dva mjeseca imaju dvostruki razlog za zadovoljstvo. Prvi je jako dobra situacija oko broja gostiju i ostvarenih noćenja u ovoj turističkoj sezoni koja će unatoč svim objektivnim poteškoćama na svjetskom turističkom tržištu ostati zapamćena kao jedna od najuspješnijih od rata u BiH do danas. Drugi je razlog za zadovoljstvo - lokalne vlasti u Neumu imaju već spomenuti suficit u iznosu od 1,525.025 KM, a koji je ostvaren na polovini ove kalendarske godine.

Do toga je došlo uslijed značajnijih promjena na pozicijama prihoda, tijekom mjeseca travnja je drugim rebalansom općinskog proračuna došlo do tog suficita od 1,5 milijuna KM kojim će se financirati već ranije utvrđeni prioriteti i projekti na razvoju općinske infrastrukture, poboljšanju turističke ponude i na kraju potrebe proračunskih korisnika. S obzirom na sve prednosti i nedostatke te mogućnosti i potencijale, ali i na trenutnu poziciju Općina je Neum krenula u proces izrade "Strategije razvoja općine Neum za razdoblje 2014. - 2024. godine".

Cilj izrade ove strategije razvoja općine Neum je definiranje jedinstvenog plana razvoja, stvaranja povoljnog poslovnog okruženja, podizanje konkurentnosti gospodarstva općine Neum, omogućavanje održivog gospodarskog razvitka te u konačnici i podizanje te unapređenje kvalitete života za sve žitelje općine Neum. To nam je potvrdio i neumski načelnik dr. Živko Matuško i naveo neke od projekata koji slijede, a koji će biti realizirani i uz pomoć ostvarenog suficita u općinskom proračunu na kraju prve polovine ove godine.

"Već smo izvršili nabavu novih i temeljito renoviranje postojećih vatrogasnih vozila, a što je projekt vrijedan nešto više od 200 tisuća KM."

Realizirati zadane projekte

"Tu je i izgradnja dijela primarne kanalizacijske mreže u Ulici Primorska, kao i dijela sekundarne kanalizacijske mreže u Ulici Mimoza. U tijeku je implementacija projekta pod nazivom 'Nabava opreme za proizvodnju pogača za pčele, a koji je vrijedan više od 30 tisuća KM. Treba istaknuti i postupak eksproprijacije zemljišta za magistralnu cestu Neum - Stolac, katastarska općina Gradac I, u dužini od 5,8 kilometara", ističe načelnik općine Neum dr. Živko Matuško.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu



Grb Općine Neum

Savez / Zajedno za uređenu i razvijenu lokalnu samoupravu

LJUBUŠKI U SURADNJI SA HRVATSKIM OPĆINAMA PRIPREMA IZGRADNJU POSLOVNE ZONE



18. avgust/kolovoz – (Izvor: eKapija) Općina Ljubuški i dvije susjedne općine iz Hrvatske najavljuju realizaciju jedne poslovne ideje koja izgleda gotovo nevjerovatna u ovo vrijeme. Na ovome bi graničnom području, naime, bila izgrađena poslovna zona koja bi čitavome kraju donijela gospodarski procvat. Bilo bi otvoreno čak 3.000 novih radnih mjesta, prenosi portal "Indikator.ba".

Do jučer futuristički projekt - da uz granicu dviju država, čvorištu koridora Vc i Jadransko-jonske ceste, nikne poslovni park na 2.000 hektara zemlje, već je spreman za europske fondove. Ovdje na prostoru triju susjednih općina, Ljubuški, Kula Norinska i Pojezerje, živi oko 40.000 stanovnika. Četvrtina je nezaposlena.

„Projekt BEPO je jako kompleksan i u njega, na našu sreću, ulazi Poslovna zona "Zvirići", koja je na sjecištu koridora, udaljena nekih 15 kilometara od Luke Ploče“ - kaže Mario Bajto, šef Odjela za strateško planiranje i lokalni razvoj u Ljubuškom.

To je prilika, kažu u Ljubuškom, jer bi projektom bilo uspostavljeno intermodalno čvorište - mreža cestovnog i željezničkog terminala i povezala bi se na lučku infrastrukturu u Pločama. Povećalo bi to trgovinsku razmjenu dviju zemalja, ali i privuklo strane investitore.

„Ovdje novaca nema previše. Sad su nam pri ruci EU-ovi fondovi, pogotovo kada govorimo o IPA prekograničnoj suradnji Hrvatske i BiH, i trebamo se svi više uključiti - općine, ministarstva, da apliciramo na što više projekata i da na taj način povučemo što više sredstava“, naglašava Ivan Jelčić, ravnatelj Razvojne agencije ZHK-a (HERAG).

Na ljubuškoj poslovnoj zoni odvijaju se radovi na poravnanju terena. Zatvoren je natječaj za dodjelu zemljišta. Mogućnosti su velike, ako se budu znale iskoristiti, ističu u REDAH-u.

„Mi u BiH nismo pripremili ambijent, da ih aktivnije privučemo ovdje, da ih motiviramo“, kaže Ivan Jurilić, ravnatelj Regionalne agencije za razvoj.

Ovaj prostor važan je za trgovinu i promet robe prema Europi. BiH ovim projektom postaje strateška točka za povoljniji pristup financijskim tokovima i potporama EU-a.



Poslovna zona u Ljubuškom



Grb Općine Ljubuški

BOSANSKI PETROVAC I ČAJNIČE U IPA PROJEKTU ALTERENERGY



29. avgust/kolovoz – (Izvor: eKapija) Ministarstvo vanjske trgovine i ekonomskih odnosa izabralo je Općinu Bosanski Petrovac i Općinu Čajniče kao ciljanu zajednicu u kojima će se izvršiti izrada akcionih planova o održivoj energiji.

Rezultati su to **Javnog poziva** za izražavanje interesa od strane gradova ili općina u Bosni i Hercegovini koje su spremne na svojoj teritoriji održati aktivnosti ispitivanja modela održivog upravljanja i korištenja energetske resursa predviđenih projektom „Alterenergy“, finansiranog od strane programa IPA ADRIATIC CBC 2007-2013.

Ministarstvo vanjske trgovine i ekonomskih odnosa BiH je formiralo komisiju koja je na osnovu kriterija navedenih unutar Javnog poziva, poštujući pravila IPA Jadranskog programa prekogranične saradnje u okviru koga se i realizira projekt „Alterenergy“, te u saradnji i uz saglasnost vodećeg partnera projekta „Alterenergy“ regija Apulija iz Italije, izvršila izbor općina u BiH, navode iz ministarstva.

Inače, riječ je o prvom strateškom projektu koji se realizira u okviru IPA Jadranskog programa prekogranične saradnje.

Pošto se projekt „Alterenergy“ fokusira na male zajednice (općine i/ili gradovi) kod odabira prednost su imale one zajednice koje na svojoj teritoriji imaju manje od 10.000 stanovnika.

Podsjetimo, ukupna vrijednost projekta je 12,5 miliona eura, a predviđeno trajanje projekta je do avgusta/kolovoza 2015. godine. Opći cilj Alterenergy projekta je doprinijeti EU cilju 20/20/20, promocijom razvoja jadranske regije koja bi bila održiva sa stanovišta energije zahvaljujući širem korištenju obnovljivih izvora energije i planovima za štednju energije.

ukupna vrijednost projekta je 12,5 miliona eura, a predviđeno trajanje projekta je do avgusta/kolovoza 2015. godine.



Grb Općine Cazin

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipabc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

CAZIN PRVI U BIH DOBIJA BILJNI PREČIŠĆIVAČ OTPADNIH VODA

04. avgust/kolovoz – (Izvor: eKapija) Posle Slovenije i Hrvatske, i BiH će dobiti prvi biljni prečišćivač otpadnih voda i to u Cazinu, koji je na vrijeme prepoznao značaj projekta, a kojim će se otpadne vode "izvlačiti" sa zaštitne zone izvorišta Ljubijankići, javlja RTV USK. Cazinska općina, poput ostalih, ima centralizovani kanalizacioni sistem, na koji se udaljena naselja ne mogu priključiti. Ovim decentraliziranim sistemom omogućuje se uključivanje izdvojenih ruralnih naselja. Prečišćavanje biljnim uređajem predstavlja inovativan način tretiranja otpadnih voda, koji je efikasan u pogledu postizanja zahtjeva za zaštitu okoliša, a troškovno prihvatljiv za manja naselja ili dijelove naselja.



Prilikom radnog sastanka održanog 1. avgusta/kolovoza, Sandi Zulić, direktor "Una Consultinga", Općina Cazin je veoma ozbiljno shvatila situaciju i pristupila realizaciji projekta. Nakon što se biljni uređaj pusti u funkciju, organiziraće se posjete građana, škola i predstavnika mjesnih zajednica i općina kako bi na primjeru Ljubijankića vidjeli kako treba raditi projekte u području voda i zaštite okoliša.

Projekt je vrijedan oko 1,2 mil KM, od čega je Općina Cazin uložila više od 50%. Partneri su Vlade Švicarske i Slovenije, Švicarska agencija za razvoj i saradnju SDC, Ministarstvo poljoprivrede, vodoprivrede i šumarstva USK, a stručnu podršku u realizaciji pružio je Resursni centar za vode i okoliš "Una Consulting" kroz projekt Dobre uprave u oblasti voda i zaštite okoliša. Prečišćivač u Ljubijankićima je pilot projekt decentraliziranog sistema odvodnje otpadnih voda u BiH, nakon kojeg se već započelo sa realizacijom novog projekta DECENT također u općini Cazin, u mjesnoj zajednici Polje, na Starom gradu Bužimu i mjesnoj zajednici Gata u Bihaću.

POČINJE ISTRAŽIVANJE I EKSPLOATACIJA ŽELJEZNE RUDE U G. VAKUFU-USKOPLJU

10. septembar/rujan – (Izvor: eKapija) Predstavnici Vlade Srednjobosanskog kantona i malezijske firme "Glanz investment" u Travniku su potpisali ugovore o koncesiji za istraživanje i eksploataciju željezne rude, te zlata i obojenih metala na dva lokalita općine Gornji Vakuf-Uskoplje.

Potpisivanjem ovih ugovora stvara se mogućnost za otvaranje oko 500 radnih mjesta, što bi doprinijelo i samom razvoju lokalne zajednice, u kojoj je broj nezaposlenih osoba, prema podacima Službe za zapošljavanje, veći od broja zaposlenih i iznosi 53%, javlja FTV.

„Kao Vlada smo se opredjelili za podršku odnosno stvaranje mogućnosti potencijalnim investitorima za daljnja ulaganja i zapošljavanja“, izjavio je Sedžad Milanović, ministar privrede SBK.

Sead Čaušević, načelnik Općine Gornji Vakuf-Uskoplje, kaže kako je veliki događaj svaki ugovor i resurs koji se stavi u svrhu razvoja općine i nova upošljavanja.

„Ovo je naš prvi projekt u BiH. Ukoliko se u budućnosti ukažu nove mogućnosti, nastavit ćemo naša ulaganja u BiH“, poručio je Ronald Don Hon, direktor "Glanz investment" d.o.o Sarajevo.

Planirana ulaganja su veća od 30 mil KM, a koncesije su date na po 30 godina, sa rokom istraživanja od 3 godine.

UNDP I SDC POMAŽU IZGRADNJU PODUZETNIČKE ZONE DUSINE U ORAŠJU


ORAŠJE, 7. septembar/rujan – Načelnik općine Orašje Đuro Topić potpisao je s UNDP-em Sporazum o provođenju Projekta integritanog lokalnog razvoja u vezi sa završetkom cestovne mreže u Poduzetničkoj zoni Dusine, navodi se na općinskoj web stranici.

Dovršetak cestovne mreže u Poduzetničkoj zoni Dusine odabran je za financiranje sredstvima UNDP-a i Švicarske agencije za razvoj kao jedan od četiri najbolje rangirana projekta prijedloga na javnom pozivu.

Osnovnim aktivnostima projekta, odnosno izgradnjom ceste u poduzetničkoj zoni dužine 960 metara, a širine 6 metara, uvođenjem novih poticajnih mjera za poslovna ulaganja, uspostavljanjem sustava za upravljanje poslovnim zonama i promocijom poslovne zone, doprinijelo bi se privlačenju novih investicija i daljnjem razvoju Općine Orašje.

Ukupna vrijednost ovoga projekta je 245.710. KM. Potpisanim Sporazumom UNDP i Švicarska agencija za razvoj sufinancirat će projekt sa 112.376,17, KM dok će ostatak financirati Općina Orašje u kojih je uključeno i 80.000 KM Federalnog ministarstva razvoja, poduzetništva i obrta.






OPĆINA CAZIN UVELA DIGITALNI KATASTAR

CAZIN, 02. septembar/rujan – (kip.ba) Građanima Cazina od sada su podaci iz katastra dostupni i putem Interneta.

Općina Cazin prva je u Unsko-sanskom kantonu (USK) i jedna od 20 općina u Federaciji BiH koja je realizirala projekt digitalizacije katastra.

U projekt, čija je realizacija počela prije dvije godine, uloženo je oko 500.000 KM. Digitalizacijom katastra, odnosno uspostavljanjem odgovarajućeg softvera, katastarski podaci sada su dostupni i putem Interneta.



“Ne možemo čak pola stanovnika naše općine.”

PREDSTAVNICI TURSKE OPĆINE MERAM POSJETILI OPĆINU HADŽIĆE

HADŽIĆI, 30. avgust/kolovoz – Na poziv Općinskog načelnika Hamde Ejubovića u dvodnevnoj posjeti Hadžićima boravili su načelnik i generalni sekretar bratske Općine Meram iz turskog grada Konye, Dr. Serdar Kalayci i Ilyas Poyrazer. Posjeta je imala za cilj nastavak saradnje dviju općina u mnogim segmentima i poboljšanje tradicionalnih i duhovnih veza dva naroda i dvije države. Prijem u zgradi Općine održan je u srdačnoj i prijateljskoj atmosferi. Izražavajući dobrodošlicu gostima načelnik Ejubović se zahvalio Dr. Kalayciu na trudu koji ulaže u povezivanje dvije općine, dva naroda i dvije države. „Hadžići nikada ne mogu zaboraviti ljubav koju je Konya i Općina Meram iskazala prema nama kroz realizovane infrastrukturne projekte i razvoj kulturne saradnje“, naglasio je Ejubović.

Dr. Kalayci je između ostalog kazao da se osjeća kao Hadžićanin, da je ovo njegov drugi grad te da mu je posebno drago da projekti koje smo zajednički realizovali služe na dobrobit svim građanima naše općine. Naglasio je da će se takav vid saradnje i dalje nastaviti. Načelnici su razmijenili poklone u znak sjećanja na ovu posjetu. Prigodne poklone predstavnicima naše bratske općine uručilo je i rukovodstvo Kulturno-edukativnog centra Hadžići-Meram. Po završetku posjete, Dr. Serdar Kalayci je uputio službenu pozivnicu načelniku Ejuboviću za Svjetski kongres gradonačelnika koji će krajem ove godine biti održan u Konyi. S obzirom da se radi o kongresu gradonačelnika, poziv iz BiH kao načelnici općina, dobili su načelnik naše Općine, Hamdo Ejubović i načelnik Općine Satri Grad, Ibrahim Hadžibajrić.



Posjeta predstavnika turske Općine Meram Hadžićima

NAJAVA ODRŽAVANJA NIZA RADIONICA O UPRAVLJANJU ODNOSIMA SA JAVNOŠĆU U JLS

Savez općina i gradova Federacije Bosne i Hercegovine, u periodu do 10. oktobra/listopada održat će pet radionica iz oblasti organiziranja i dobrog upravljanja odnosima sa javnošću u jedinicama lokalne samouprave.

Učesnici radionice će kroz teorijski i praktični dio (vježbe) steći znanja i vještine iz svih bitnih oblasti komunikacije koje su značajne za rad općinskog organa uprave (strategija komunikacija, strateški okvir i ključni elementi PR-a i komunikacijskog plana, odnosi s medijima, osnovni alati u radu s medijima i način efektivnog i efikasnog komuniciranja).

Prva radionica će se održati u Sarajevu, 17. septembra/rujna 2013. godine u Hotelu 'SARAJEVO' u vremenu od 09:00 do 17:00 sati, i namijenjena je općinskim službenicima za informisanje ili osobama koje se bave tom djelatnošću iz sljedećih općina: Stari Grad Sarajevo, Centar sarajevo, Novo Sarajevo, Novi Grad Sarajevo, Grad Sarajevo, Ilidža, Vogošća, Ilijaš, Trnovo, Hadžići, Goražde, Pale-Prača, Foča-Ustikolina, Breza, Visoko, Kreševo, Fojnica, Kiseljak i Vareš.

Ista radionica, ali za druge općine, biće održana još u sljedećim mjestima:

- 1.10.2013. BIHAĆ
- 3.10.2013. MOSTAR
- 8.10.2013. TUZLA
- 10.10.2013. ZENICA

Održavanje radionice je finansijski podržala 'SIDA' kroz projekat "Razvoj kapaciteta saveza općina i gradova u Bosni i Hercegovini", koji implementira Međunarodna kooperativna agencija asocijacije holandskih općina VNG-International u saradnji sa Savezom općina i gradova Federacije Bosne i Hercegovine, a vodit će je Nazif Hasanbegović, mr.sci. ekspert za



SWEDEN





NEXPO 2013 — MEĐUNARODNI SAJAM OPĆINA

Mreža asocijacija lokalnih vlasti jugoistočne Europe (NALAS), Udruga gradova u Republici Hrvatskoj, Udruga općina u Republici Hrvatskoj i gradovi Rijeka i Opatija, organiziraju ovogodišnji međunarodni sajam općina - NEXPO 2013, koji će se održati u gradovima Rijeka i Opatija od 25. do 27. septembra/rujna 2013. godine.

NEXPO je najveći i najvažniji općinski događaj u jugoistočnoj Europi. Okuplja zajedno jedinice lokalne samouprave, asocijacije lokalnih vlasti, razvojne

agencija, civilno društvo i poslovne ljude iz jugoistočne Europe i šire. NEXPO promiče ulogu lokalne samouprave i proces decentralizacije, osigurava regionalno povezivanje, promovira decentraliziranu saradnju, regionalno poslovno povezivanje i izgradnju mira i stabilnosti.

NEXPO je prvi put organiziran u martu/ožujku 2011. godine u Sarajevu. Tom prilikom se okupilo 200 načelnika/gradonačelnika, više od 100 izlagača, oko 2.000 posjetitelja, te realizirano 9 konferencija i radionica.

Glavna tema ovogodišnjeg događaja NEXPO 2013 je EU integracija. Sajam će također pružiti mogućnosti za lokalne vlasti da se sastanu sa predstavnicima poslovnog sektora i privuku potencijalne investitore za svoje projekte u području energetske učinkovitosti i obnovljivih izvora energije.

NEXPO 2013 će se održati u Centru Zamet u Rijeci, koji pruža 4.000 m² izložbenog prostora, a očekuje se da će privući više od 4.000 učesnika.

Program NEXPO 2013 uključuje:

- **Konferenciju** "Na putu u EU integracije-uklanjanje prepreka, Otvorimo naše potencijale" (25. septembar/rujan 2013, Hrvatski kulturni dom na Sušaku, po pozivu)
- **NEXPO sajam** (26. i 27. septembar/rujan 2013, Centar Zamet)
- **Seriju radionica** (26. i 27. septembar/rujan 2013, Centar Zamet), podjeljenih u dvije glavne teme: Poboljšanje prakse u održivom razvoju i poboljšanje prakse u upravljanju i partnerskom radu
- **Café gradonačelnika** (26. i 27. septembar/rujan 2013, Centar Zamet) je savršeno mjesto za licem u lice razgovor između gradonačelnika o saradnji, investicija, donacija ili bratimljenju
- **Spajanje** (26. i 27. septembar/rujan 2013, Centar Zamet) omogućit će općinama i privatnom sektoru susrete, predstavljanje i pronalaženje prilike za saradnju
- **Kulturni program**

Za više informacija, molimo provjerite: <http://nexpo.nalas.eu/>



Centar Zamet Rijeka

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ON LINE KURS IZ OBLASTI OPĆINSKIH FINANSIJA

E-Institut Svjetske Banke nudi novu on line obuku iz oblasti općinskih finansija.

Ovaj kurs nudi priliku lokalnim organima upravljanja, posebno srednjih i velikih općina, za unapređenje znanja i vještina o lokalnim finansijama, uključujući mjerenje i upravljanje prihodima i rashodima, lokalnim dobrima i uslugama kao i mobilizaciji spoljnih resursa. Obuka će se fokusirati na perspektive lokalnih samouprava i obezbjeđivanje sredstva i instrumente za poboljšanje upravljanja i transparentnosti lokalnih finansija.

Kurs je besplatan, a prva serija će se održati u periodu od 3. oktobra/listopada do 26. novembra/studenog 2013. godine. **Krajnji rok za prijavu je 26. septembar/rujan 2013. godine.** Za drugu seriju kurseva rok za prijavu je 24. februar/veljača 2014. godine, a kurs će se održati od 3. marta/ožujka do 25. aprila/travnja 2014. godine.

Za više informacija o kursu i načinu aplikacije posjetite sljedeći link:

<http://einstitution.worldbank.org/ei/course/municipal-finance-learning-program-local-governments>



The World Bank

einstitute
for development
Connect. Learn. Innovate. Inspire.

Savez općina i gradova Federacije Bosne i Hercegovine

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

www.sogfbih.ba

LAF STUDY TOUR ON GOOD GOVERNANCE AT THE LOCAL LEVEL

U okviru programa Local Administration Facility (LAF) organizuje se studijska posjeta Briselu pod nazivom „Dobra uprava na lokalnom nivou“ (LAF Study Tour on Good governance at the local level) koja će trajati od 22. do 24. oktobra/listopada 2013. godine. Cilj studijskog putovanja je pružiti priliku lokalnim i regionalnim predstavnicima za upoznavanjem i razmjenom ideja u vezi sa EU procedurama i praksom u navedenoj oblasti.

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija) i Tursku. Maksimalno po šest učesnika može biti izabrano iz svake od odabranih zemalja.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIX@eeas.europa.eu

Izbor kandidata vršiće Generalni direktorat za proširenje zajedno sa program menadžerima Delegacije Evropske Unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnim formularu. Znanje engleskog jezika je važno zbog praktičnih vježbi gdje će biti traženo učešće svih polaznika.

Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijava je 20. septembar/rujan 2013. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KEŠAN@eeas.europa.eu

Prijavni obrazac, dnevni red i vodič za učesnike možete preuzeti na web stranici Saveza općina i gradova FBiH u meniju vijesti (<http://www.sogfbih.ba/index.php?lang=ba&sel=75&view=712>)

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

